



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2014. GODINU I POSTIZBORNOG FINANSIJSKOG IZVJEŠTAJA-OPĆI IZBORI 2014. GODINE **LIBERALNO DEMOKRATSKE STRANKE BOSNE I HERCEGOVINE**

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE.....	5
Predmet revizije.....	5
Cilj revizije.....	Error! Bookmark not defined.
Obim revizije.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	6
5.1. NALAZI.....	6
5.2. PREPORUKE.....	9

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskih izvještaja Liberalno demokratske stranke Bosne i Hercegovine za 2014. godinu i to: godišnjeg finansijskog izvještaja za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i člana 15.10 Izbornog zakona Bosne i Hercegovine, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskim izvještajima, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom godišnjeg finansijskog izvještaja za 2014. godinu, utvrđeno je da je Liberalno demokratska stranka Bosne i Hercegovine prekršila odredbe člana 5. stav (4), člana 11., člana 12. stav (1), stav (2) i stav (3) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Prema našem mišljenju, osim navedenog, revidirani finansijski izvještaj ukazuje da je Liberalno demokratska stranka Bosne i Hercegovine u 2014. godini postupala u skladu sa odredbama Zakona o finansiranju političkih stranaka i člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju finansijskih izvještaja Liberalno demokratske stranke Bosne i Hercegovine za 2014. godinu i to: godišnjeg finansijskog izvještaja za 2014. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Liberalno demokratska stranka Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Učešće u izvorima finansiranja (%)
1.	Članarina	0,00	0,00%
2.	Prilozi fizičkih lica (3-a)	11.451,00	18,66%
3.	Prilozi pravnih lica (3-b)	15.415,35	25,12%
4.	Prihodi od imovine (3-c)	0,00	0,00%
5.	Prihodi od pravnih lica (3-d)	0,00	0,00%
6.	Prihodi od poklona (3-e)	0,00	0,00%
7.	Prihodi iz budžeta (3-f)	34.505,46	56,22%
8.	Prihodi od propag. (3-g)	0,00	0,00%
9.	Ostali prihodi	0,00	0,00%
I	Ukupni prihodi (1-9)	61.371,81	100,00%
II	Kreditno zaduženje kod banaka	0,00	0,00%
	Izvori finansiranja (I+II)	61.371,81	100,00%

Prema podacima iz godišnjeg finansijskog izvještaja, Liberalno demokratska stranka Bosne i Hercegovine je ostvarila rashode u ukupnom iznosu od 48.464,51 KM.

2. PREDSTAVLJANJE POLITIČKE STRANKE

Naziv političke stranke je Liberalno demokratska stranka BiH. Skraćeni naziv stranke je LDS BiH.

Liberalno demokratska stranka Bosne i Hercegovine upisana je u registar političkih organizacija kod Kantonalnog suda u Sarajevu, rješenjem broj: R-1-2/00 od 03.07.2000. godine, sa sjedištem u Sarajevu, Maršala Tita 9a.

Lice ovlašteno za zastupanje stranke je Amir Husarić, predsjednik stranke.

Prema podacima iz godišnjeg finansijskog izvještaja, lice ovlašteno za finansijske izvještaje za 2014. godinu je Edin Šehić.

Prema podacima iz godišnjeg finansijskog izvještaja za 2014. godinu, Liberalno demokratska stranka Bosne i Hercegovine ima sljedeću organizacionu strukturu:

- Centralni ured LDS BiH u Sarajevu,

- Mladi liberali BiH,
- Kantonalni odbor LDS BiH Goražde i
- 18 općinskih odbora LDS BiH.

3. OPIS REVIZIJE

Predmet revizije je godišnji finansijski izvještaj Liberalno demokratske stranke Bosne i Hercegovine za 2014. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2014. godine i to sljedećih organizacionih dijelova političke stranke:

- Centralni ured LDS BiH Sarajevo,
- Općinski odbor LDS BiH Srebrenik i
- Općinski odbor LDS BiH Travnik.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15 Izbornog zakona BiH (finansiranje kampanje), s posebnim osvrtom na odredbe člana 15.10 Zakona.

Obim revizije finansijskih izvještaja Liberalno demokratske stranke Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica, i troškove izborne kampanje.

4. PRETHODNE KONTROLE I REVIZIJE

Služba za reviziju je izvršila pregled i reviziju godišnjih finansijskih izvještaja Liberalno demokratske stranke BiH u periodu od 2005. do 2013. godine, nakon kojih su izdati izvještaji o reviziji, odnosno izvještaj o pregledu sa mišljenjem revizora, nalazima i preporukama revizije.

Služba za reviziju izvršila je reviziju godišnjeg finansijskog izvještaja Liberalno demokratske stranke BiH za 2013. godinu, nakon kojeg je izdat izvještaj o reviziji sa mišljenjem, nalazima revizora i preporukama stranci da finansijska sredstva koristi isključivo za ostvarivanje ciljeva utvrđenih u programu i statutu stranke, da vodi evidencije o prijemu dobrovoljnih priloga-nenovčanih donacija, da vodi poslovne knjige u skladu sa zakonom, da vodi tačne evidencije o svojim prihodima i rashodima. Takođe je preporučeno da finansijske izvještaje podnosi u formi koju je odobrila Centralna izborna komisija Bosne i Hercegovine, odnosno da prihode i rashode iskazuje na način propisan Pravilnikom o godišnjim finansijskim izvještajima političkih stranaka, da na zahtjev Centralne izborne komisije dostavlja finansijsku dokumentaciju i druge izvještaje, te revizorima Službe za reviziju obezbijedi pristup dokumentaciji neophodnoj za vršenje revizije finansiranja političke stranke, kao i da poštuje i druge propise, prevashodno poreske, iz kojih proističu dodatne obaveze i troškovi.

Nerealizovane preporuke:

Na osnovu uočenih nedostataka u godišnjem finansijskom izvještaju za 2014. godinu, utvrđeno je da Liberalno demokratska stranka BiH nije ispoštovala date preporuke.

5. NALAZI I PREPORUKE

5.1. NALAZI

a) Liberalno demokratska stranka BiH prekršila je odredbu člana 5. stav (4) Zakona o finansiranju političkih stranaka.¹

Liberalno demokratska stranka BiH nije u poslovnim knjigama evidentirala nenovčane donacije po osnovu besplatnog korištenja poslovnih prostora, čime je prekršila odredbe člana 5. stav (4) Zakona o finansiranju političkih stranaka.

- Uvidom u Odluku o dodijeli na korištenje poslovnih prostorija bez naknade,² utvrđeno je da je Općinski odbor LDS BiH Jablanica koristio poslovni prostor Općine Jablanica površine 25,20 m², bez plaćanja zakupnine.
- Općinski odbor stranke u Ilijašu je na osnovu Odluke o načinu i visini plaćanja zakupnine³, koristio poslovni prostor površine 16,53 m², takođe bez naknade.

Liberalno demokratska stranka BiH je korištenjem poslovnih prostora u vlasništvu općina bez plaćanja zakupnine ostvarila nenovčane donacije, koje je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2014. godinu.

b) Liberalno demokratska stranka BiH prekršila je odredbu člana 11. i člana 12. stav (1) i (3) Zakona o finansiranju političkih stranaka.

Na osnovu obavljene revizije, utvrđeno je da je Liberalno demokratska stranka BiH nije vodila poslovne knjige u skladu sa računovodstvenim propisima, nije uspostavila potpune i tačne evidencije o svojim prihodima, rashodima i obavezama, prometu novčanih sredstva putem transakcijskog računa i blagajne i nije finansijski izvještaj nije podnijela u formi koju je propisala Centralna izborna komisija BiH, čime je prekršila odredbe člana 11. i člana 12. stav (1) i stav (3) Zakona o finansiranju političkih stranaka.

(1) LDS BiH u obrascu 2 (pregled prometa svih transakcijskih računa političke stranke) godišnjeg finansijskog izvještaja nije iskazala tačne podatke o prometu ostvarenom putem transakcijskih računa općinskih odbora Srebrenik i Travnik, čime je prekršila odredbe člana 11. Pravilnika o godišnjim finansijskim izvještajima političkih stranaka- u daljnjem tekstu: Pravilnik.

- Stranka je na obrascu 2 iskazala sljedeće podatke o prometu ostvareno putem transakcijskog računa Općinskog odbora Srebrenik broj:1321500309497107 kod NLB banke: promet ulaza u iznosu od 18.240,70 KM, promet izlaza u iznosu od 19.149,44 KM i stanje na dan 31.12.2014. godine u iznosu od 0,00 KM. Kontrolom prometa ostvarenog putem transakcijskog računa, utvrđeno je da je promet ulaza iznosio 17.549,60 KM, promet izlaza 18.455,60 KM i stanje na dan 31.12.2014. godine u iznosu od 2,74 KM.

¹ Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga. Ovlašćeno lice u političkoj partiji uplaćuje članarinu i dobrovoljne priloge neposredno na transakcijski račun političke partije najkasnije u roku od 10 dana od dana prijema uplate.

² Odluka Općinskog vijeća Općine Jablanica broj. 02-02-535-3/13-VI od 28.03.2013. godine. Akt Općine Jablanica broj: 01-25-4-1209/15 od 12.05.2015. godine.

³ Akt Općine Ilijaš broj: 04/1-14-1339/15 od 07.05.2015. godine, sa prilogom Odlukom broj: 01-I-02-190/00 od 17.02.2000. godine.

- Liberalno demokratska stranka je u godišnjem finansijskom izvještaju iskazala podatke o prometu na transakcijskom računu Općinskog odbora Travnik broj: 3389002205735681 kod Unicredit banke: promet ulaza 5.048,50 KM, promet izlaza 5.048,50 KM i stanje na dan 31.12.2014. godine 17,09 KM. Kontrolom izvoda sa ovog transakcionog računa utvrđeno je sljedeće: promet ulaza 6.048,62 KM, promet izlaza 6.040,09 KM i stanje na dan 31.12.2014. godine 24,81 KM.
- (2) Revizijom godišnjeg finansijskog izvještaja utvrđeno je da Liberalno demokratska stranka Bosne i Hercegovine nije u obrascu 2-1 (pregled stanja blagajne) iskazala tačne podatke o prometu ostvarenom putem blagajne općinskog odbora Travnik, čime je prekršila odredbe člana 12. Pravilnika.
- Stranka je u finansijskom izvještaju iskazala sljedeće podatke o prometu ostvarenom putem blagajne Općinskog odbora LDS BiH Travnik: promet ulaza u iznosu od 3.085,00 KM i promet izlaza u iznosu od 3.085,00 KM. Kontrolom blagajničkih izvještaja utvrđeno je da je promet ulaza iznosio 5.756,00 KM, odnosno promet izlaza 5.756,00 KM.
- (3) U poslovnim knjigama i finansijskom izvještaju, stranka je kao prihod od donacija od pravnih lica iskazala otpisane obaveze prema svom organizacionom dijelu, Općinskom odboru Vogošća u iznosu od 1.877,93 KM, čime je prekršila odredbe člana 13. stav (5) i člana 15. Pravilnika. Obzirom da se radi o internom prenosu sredstava unutar stranke, stranka nije ostvarila prihod u iznosu od 1.877,93 KM, čime je neosnovano uvećala svoje prihode.
- Na obrascu 3-b (donacije pravnih lica) Centralnog ureda stranke iskazane su donacije u ukupnom iznosu od 14.815,35 KM. Kontrolom poslovnih knjiga, utvrđeno je da je stranka izvršila otpis obaveza u iznosu od 14.315,35 KM, što je iskazala kao donacije pravnih lica. Stranka je otpisane obaveze u iznosu od 14.315,35 KM trebala iskazati na obrascu 3-e (nenovčane donacije i računi koje stranka nije imala obavezu da plati), a ne na obrascu 3-b godišnjeg finansijskog izvještaja.
- (4) Stranka u poslovnim knjigama nije pravilno evidentirala prihode iz budžeta i nije pravilno popunila obrasce 3-f (prihodi iz budžeta) i 3 (izvori finansiranja političkih stranaka) finansijskog izvještaja, čime je prekršila odredbe člana 13. i člana 19. Pravilnika.

U poslovnim knjigama i finansijskom izvještaju Liberalno demokratska stranka Bosne i Hercegovine je prihode iz budžeta četiri općine iskazala u manjem iznosu za 2.838,05 KM.

- Na Zahtjev Centralne izborne komisije Bosne i Hercegovine, Općina Gračanica je aktom broj: 04-05-03474-2015 od 23.11.2015.godine, dostavila pregled uplaćenih sredstva Liberalno demokratskoj stranci Bosne i Hercegovine u periodu od 01.01. do 31.12.2014. godine. Prema navedenom pregledu, ova općina je Liberalno demokratskoj stranci Bosne i Hercegovine uplatila sredstva u ukupnom iznosu od 3.455,25 KM. Stranka je u finansijskom izvještaju iskazala da je primila sredstva iz budžeta Općine Gračanica u iznosu od 2.671,87 KM, odnosno manje je iskazala za 783,38 KM.
- Stranka je u finansijskom izvještaju iskazala prihode iz budžeta Općine Tešanj u iznosu od 5.494,50 KM. Službenom provjerom podataka, utvrđeno je da su stranci iz budžeta Općine Tešanj⁴ uplaćena sredstva u iznosu od 5.994,00 KM. Stranka je u finansijskom izvještaju iskazala prihode iz budžeta ove općine u manjem iznosu za 499,50 KM.
- Liberalno demokratska stranka BiH je u godišnjem finansijskom izvještaju iskazala prihode iz budžeta Općine Donji Vakuf u manjem iznosu za 446,13 KM u odnosu na

⁴ Akt Općine Tešanj broj: 04-14-7-471-2/15 od 13.11.2015. godine.

ostvarene. Naime, stranka je u finansijskom izvještaju iskazala da je primila sredstva iz budžeta Općine Donji Vakuf u iznosu od 1.785,72 KM. Prema podacima koje je dostavila Općina Donji Vakuf⁵, Liberalno demokratskoj stranci Bosne i Hercegovine su iz budžeta ove općine uplaćena sredstva u iznosu od 2.232,15 KM.

- Stranka je u obrascu 3-f finansijskog izvještaja iskazala da je primila sredstva budžeta Općine Travnik u iznosu od 6.291,96 KM, što je za 1.109,04 KM manje u odnosu na ostvarene. Službenom provjerom podataka, utvrđeno je da su iz budžeta Općine Travnik⁶ stranci uplaćena sredstva iznosu od 7.401,00 KM.

(5) Liberalno demokratska stranka BiH je u obrascu 3-f iskazala da je Centralni ured primio sredstva iz budžeta u iznosu od 4.935,04 KM, ne navodeći naziv nivoa vlasti od koga su ista primljena, čime je prekršila odredbe člana 19. Pravilnika.

Revizijom i kontrolom poslovnih knjiga Centralnog ureda stranke je utvrđeno da je Centralni ured primio sredstva iz budžeta Općine Jablanica u iznosu 1.628,32 KM, Općine Ilijaš u iznosu od 1.554,50 KM, Općine Travnik u iznosu od 2.510,00 KM, Općine Gračanica u iznosu od 258,76 KM i od Općine Doboj-Istok u iznosu od 250,00 KM, odnosno ukupno 6.201,58 KM.

(6) Politička stranka u poslovnim knjigama nije uspostavila tačne i pravovremene evidencije o rashodima i nije pravilno iskazala u obrascima 4 (ukupni rashodi političke stranke) i 4.1 (režijsko-administrativni i ostali troškovi) finansijskog izvještaja, čime je prekršila odredbe člana 21. i člana 22. Pravilnika.

Općinski odbor LDS BiH Srebrenik je na osnovu Ugovora o zakupu sa JU, „Centar za kulturu i informisanje“ Srebrenik⁷, koristio poslovni prostor uz ugovorenu cijenu mjesečnog zakupa od 150,00 KM, odnosno 1.800,00 KM godišnje. Stranka je troškove zakupa iskazala u iznosu od 450,00 KM, koliko je i platila, odnosno iskazala u manjem iznosu za 1.350,00 KM u odnosu na ugovorenu cijenu zakupa.

(7) Na obrascu 5 (obaveze političke stranke) godišnjeg finansijskog izvještaja iskazane su obaveze stranke u iznosu od 111.423,43 KM. Tokom obavljanja revizije od stranke su zatraženi Izvodi otvorenih stavki za pojedine obaveze, te je utvrđeno da nije vršila usklađivanje svojih obaveza na dan 31.12.2014. godine, što je bila dužna po osnovu Zakona o računovodstvu i revizije Federacije BiH.⁸

Kako stranka nije vršila usklađivanje svojih obaveza na kraju poslovne godine, pouzdano se nisu mogle utvrditi obaveze stranke na dan 31.12.2014. godine.

Takođe, stranka je zbirno iskazala obaveze prema ostalim dobavljačima u iznosu od 43.262,65 KM, bez navođenja analitike, tj. pojedinačnih obaveza, tako da obrazac 5. godišnjeg finansijskog izvještaja nije popunjen u skladu sa odredbama člana 24. Pravilnika.

c) Liberalno demokratska stranka Bosne i Hercegovine je prekršila odredbe odredbe 12. stav (2) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.⁹

Liberalno demokratska stranka Bosne i Hercegovine nije dostavila finansijski izvještaj za period od dana podnošenja prijave za ovjeru za izbore do dana objave zvaničnih rezultata Općih izbora održanih u oktobru 2014. godine u zakonom određenom roku, čime je prekršila odredbe člana 12. stav (2) Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine. Stranka je postizborni finansijski izvještaj-Opći izbori 2014. godine, dostavila 18.12.2014. godine.

⁵ Akt Općine Donji Vakuf broj: 02-14-00369/15-1 od 04.03.2015. godine.

⁶ Akt Općine Travnik broj: 06-14-176/15 od 17.11.2015. godine.

⁷ Ugovor sklopljen dana 30.12.2013. godine u Srebreniku za period 01.01.-31.12.2014. godine.

⁸ Član 28. Zakona o računovodstvu i reviziji Federacije BiH („Službene novine Federacije BiH“ broj 83/09).

⁹ Krajnji rok za dostavu postizbornog izvještaja za Opće izbore 2014. godine bio je 10.12.2014. godine.

Troškovi predizborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM¹⁰ po biraču u svakom izbornom krugu, prema broju birača koje je objavila Centralna izborna komisija BiH.

Liberalno demokratska stranka Bosne i Hercegovine je prema podacima Centralne izborne komisije Bosne i Hercegovine, u svrhu izborne kampanje mogla da potroši 283.553,25 KM.

U godišnjem finansijskom izvještaju Liberalno demokratska stranka Bosne i Hercegovine je iskazala troškove izborne kampanje u iznosu od 7.096,10 KM.

5.2. PREPORUKE

Preporučuje se Liberalno demokratskoj stranci Bosne i Hercegovine da se pridržava odredaba Zakona o finansiranju političkih stranaka i Poglavlja 15. Izbornog zakona BiH, a posebno na osnovu uočenih nedostataka se preporučuje:

- *da prijavljuje nenovčane donacije u finansijskom izvještaju,*
- *da vodi poslovne knjige u skladu sa računovodstvenim propisima, odnosno da vodi evidencije o prihodima, rashodima i obavezama,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da finansijske izvještaje podnosi u rokovima propisanim Zakonom o finansiranju političkih stranaka i članom 15.1 stav (1) Izbornog zakona Bosne i Hercegovine.*

KOMENTAR

U ostavljenom roku stranka je dostavila obrazac 2-1 (pregled stanja blagajne) za općinski odbor u Srebreniku, te je Služba za reviziju finansiranja političkih stranaka uvažile primjedbe iz nalaza o prometu navedene blagajne, i ugradila u konačni izvještaj. U vezi nalaza da politička stranka nije prijavila nenovčane donacije po osnovu korištenja poslovnih prostora bez naknade, ističemo da nije zabranjeno političkim strankama da bez naknade koriste poslovne prostore koji su im dodijeljeni na osnovu odluke nadležnog organa, ali ih je stranka obavezna evidentirati u poslovnim knjigama i prijaviti u finansijskom izvještaju u skladu sa odredbama člana 5. stav (4) Zakona o finansiranju političkih stranaka.

šef Odsjeka za revizijske poslove

Sanja Tošović

Revizor

Nevenko Andan

Pomoćnik revizora

Anela Burdžović-Kapić

šef Službe za reviziju

Mr. sc. Hasida Gušić

¹⁰ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.